

اسلام آباد

ڈیجیٹل رسالو

ماہنامہ

گوجبستی

فروری 2024


ہم گوجر ہاں پہاڑیں بساں، مہار و سر نو جینو پہاڑ
مہار پہاڑ پنجال خوش و سناوا ہیں لے کے اُپر، چٹی چادر ٹھنڈی ٹھار
(بہال و مہوم)



زیر اہتمام: گوجرانٹرنیشنل سیکرٹریٹ

اس شمارہ ماں

صفحہ نمبر	لکھاری	عنوان
03	شائلہ چوہدری	☆ - حرف بسم اللہ
05	مولانا قاری نذیر نعیمی	☆ - باجماعت نماز کی فضیلت
07	دقار صدیقی	☆ - سرکاری ذات رحمت ہی رحمت
10	کلثوم چوہدری	☆ - تکھتی آس
11	اکبر کسانہ	☆ - کئی جیہی کہانی
12	رانا ابرار	☆ - نظم
14	سراجستانی	☆ - غزل
16	بلال زمزم	☆ - نظم
19	شازیہ چوہدری	☆ - نظم
22	جان محمد حکیم	☆ - غزل
23	زاہدہ خانم	☆ - غزل
24	مشتاق فانی	☆ - غزل
25	حسن دین حسن	☆ - غزل
26	ہفتوا از احمد	☆ - غزل



سرپرست اعلیٰ
سینیٹر چوہدری محمد جعفر اقبال
سردار گوجر قوم



مدیر اعلیٰ
محمد رفیق شاہد



مدیر
شائلہ چوہدری

حرف بسم اللہ

قارئین ماگھ آدھ چڑھ گیو ہے، رحمت گی بارش برف برن لگ پئی ہے۔ چھٹا نگا موسم کا ترسیا و روح پہاڑاں درمنہ کریں لگاواتے کئی اک اپنی ماندگی سستی نالے گے پنجاب در چل پیا ہیں۔ ویلوٹ رہیو ہے، ملک مانھ انتخابات کو دور دورو ہے ہر کوئے کامیابی کی تلاش مانھ لگووہ ہے۔ بڑا بڑا تھینک ٹینک اس لوڑا مالگاواہ ہیں، کون جیتے تے کون ہارے؟ عوام مامعاشرتی ناہمواری، سماجی بے راہ روی کے خلاف ڈاڈا جذبات مشاہدہ ما آویں۔ ان مسائل نالکھاری ادب برائے زندگی کا ماتحت گن سکے۔ ادب برائے ادب شعراء، ادباء، نقاداں مالچی تے بے چینی پیدا کرے۔ ادبی تحریک شروع توں چلتی رہیں تے آگے وی امید ہے جے یوہ سلسلو جاری رہے گو۔ کئی واری ادب برائے ادب تخلیق کرن کی وجہ کسے تحریک کی ناکامی وے جیہڑی خصوصی مقصد کا حصول واسطے گھ جوڑ کرے۔

ادب گو سماج نال ناٹو خاصو باٹو ہے اس تعلق کی نوعیت مختلف ہو سکے، وقت حالات بدلتا رہیں اور یوں اپنوا اثر دسیں۔ جسرا ادب کی تخلیق ماکئی گل شامل ویں اسے راہ ادب کی جانچ، تنقید ماوی مچ ساریں گل دیکھنی پئیں۔ معیاری تخلیق کار ما تنقیدی شعور مچ ہونو لوڑے۔ وہ تنقیدی شعور ہی وے جیہڑو اس نا اپنی تخلیق کی نوک پلک سنوارن ورجبور کرے۔ جتنو معیاری تخلیق کار وے گو وہ اتنوی بہتر تنقیدی شعور رکھتو وے گو۔ نقاد گاباندے جدکائے تخلیقی نظم آوے واہ اس تو پہلاں شاعر کا تنقیدی ہتھوں مچ واری لنگ چکی وے، وراس کو یوہ مطلب وی نہیں نقاد بس تجز یو کر گے اپنوفرض نبھاوے۔ دسے جے یوہ موضوع ہے تے اتنا شعر ہیں اور شاعری ماعروض کو نظام موجود ہے کے نہیں ہے۔ نقاد کو کم تخلیق کی بازیافت وے۔ اس کو کم خالی فنکار کو جذبو، اس کو خیال دسنو نہیں ہوتو۔ اس نے دیکھنو وے جے ابہام نظم یا افسانہ کو حسن ہے یا ابہام کی صورت ما غیر فطری کہانی بنی وی ہے۔ شعر جدید ہے یا پرانی کسے اور کی زمین ورنبت ہے۔ نقاد واسطے وسیع مطالعوتے مچ عملیت درکار وے۔ نقاد روکھا نہیں ہوتا ان کی نظر ڈاڈی وے۔ تخلیق تنقید توں بغیر لکھ نہیں ہے، باقاعدہ تنقید کسے فن پارہ ورجور ہو سکے یوں تنقید کو کوئے تحریری اصول نہیں جس نا پتھر وری لکیر سمجھ غے اس فن نا تقویت دیتی جائے۔ گوجری زبان و ادب نا وسیع و نظر نقاداں کی لوڑ ہے یا ضرورت وسیع علم، منفرد اسلوب تے نواں موضوعات کا تخلیق کاراں توں بغیر ممکن نہیں نظر آتی۔ 21 فروری عالمی زبانوں کو دھیٹو ہے اس موقع ورجور ہم نے اپنے نویں سوچنو ہے جے ہم اپنی ماں بولی سنگ کتنا مخلص ہاں؟ اس کی ترویج تے بچان واسطے سب توں معمولی کوشش کے کرسکاں۔

شائلہ عمیر چودھری

ضروری اطلاع

گوجری ادب رسالہ گوجری زبان و ادب کی ترویج و اشاعت واسطے کم کرن آلاں کو اپنور سالو ہے۔ مہار و مقصد غیر مطبوعہ گوجری ادب ناباندے لیا کے اس نان محفوظ کرن کے نال نال نواں لکھن آلاں کی حوصلہ افزائی کرنو ہے۔ ہر علاقہ کا اپنا اپنا لہجہ ہیں۔ اپنا اپنا بولن کو انداز ہے طاہری گل جیہڑ و جسرح کو لہجو استعمال کر رہیو ہے اُس کے نزدیک وہ ہی لہجو اصل ہے اس نان اپنی رہت بہت تے اپنا لہجہ نال پیار ہے۔ اس واسطے ہم کسے وی لہجہ نان نہ غلط کہن کا حقدار آں تے نہ ہی اس کی نفی کر سکاں۔ گلگت مان رہن آلاں نان کے پتو پونجھی گوجری کو لہجو کیسو ہے، انھاں واسطے تے ان کو لہجو ہی اصل تے ٹھیٹھ ہے۔ لہذا گوجری ادب مان شائع ہون آلی کائے وی تحریر ہو بہو اسے طرح شائع کی جائے جسرح قلم کار ہمنان ٹورے۔ اس توں علاوہ کائے وی تحریر چاہے شاعری وے یا نثر اس کی مکمل ذمہ داری لکھاری و رعاندوے گی ادارو اس کو ہرگز ذمہ داریں ہوسے۔

گوجری ادب رسالہ واسطے شاعری، نثر، افسانہ، کہانیاں، لوک ادب، مضامین کی صورت مان اپنیاں غیر مطبوعہ تحریر ہمنان ہر مہینہ کی 20 تاریخ توں پہلاں پہلاں بھیج چھوڑیا کرو۔ کیونجے مہاری کوشش وے جے ہر مہینہ کا پہلا ہفتہ مان ہی گوجری ادب رسالہ تیار ہو کے تھاری بصارتاں تک پونجج جائے۔ لہذا تم گوجری مان جو گچھ وی لکھنو چاہویں بلا جھجک لکھ کے ہمنان اس پتہ و رسالہ کرو، واٹس ایپ کرو یا ای میل کرو، تھاری مرضی۔

ڈاک پتو: ہاؤس نمبر 257، گلی نمبر 23، سیکٹرای سیون اسلام آباد

واٹس ایپ: +923101878887 ای میل: gojriadabpk@gmail.com

باجماعت نماز کی فضیلت

سارا مل کے اللہ کی رسی نامضبوطی نال تھم لیو۔ اس کی اک جھلک نماز باجماعت مالے۔

اس ماشک نہیں جے یوہ حکم زندگی کا ہر شعبہ کے واسطے ہے فروی اس کا آغاز روزمرہ پچگانہ نماز باجماعت نال وے۔ یاہ ہی وجہ ہے جے علمائے امت نے ان ہی آیات قرآنی تے احادیث نبوی کے تحت نماز باجماعت ناسنت موکدہ قرار دتو ہے جیہڑی واجب کے نیڑے ہے۔ جس نا جان بچھ کے ترک کرنو گناہ ہے۔ کیوں جے یوہ اک طرح نال نماز کا حق نا ضائع کرنو ہے تے نماز کا حق نا ضائع کرن کو مطلب اللہ کا حق نا تلف کرنو ہے کیوں جے نماز کی اقامت حقوق اللہ وچوں ہے۔ گھراں ما نماز پڑھنوتے ایگلاں پڑھنو پٹکیاں واسطے ہے۔ مسلمان مرد کے واسطے نماز کی ادائیگی کے واسطے مسیت ما جانو نہایت ضروری ہے۔

کدے ہمنان یوہ پتو چل جائے جے ہم ایگلاں نماز پڑھ کے کتنا بڑا اجر تے ثواب توں محروم ہو جاں تے یقین کرو جے گھاٹا کا اس سودا واسطے کوئے وی مسلمان تیار نہ وے۔ امام بخاری رحمہ اللہ علیہ ہی کی روایت کی وی اک حدیث سنو جس نا حضرت ابو ہریرہ رضی اللہ عنہ نے رسول اکرم ﷺ توں نقل کر کے مہارے توڑی پوچھائی ہے۔ آپ ﷺ فرماویں جے جداک مسلمان گھروں وضو کر کے صرف نماز کی ادائیگی واسطے مسیت کو رخ کرے تے اس کا ہر قدم وراک در جو اچو کر دتو جائے اک گناہ مٹا دتو جائے۔ فرجہ نماز توں فارغ ہو کے جد تک نمازی وضو کے نال اپنی جائے نماز ورمو جو درہ تے فرشتہ اس کا حق ما سرے دعا کریں۔۔۔ اے اللہ اس و برکت نازل فرما۔۔۔ تے فرمان ہے جے وہ نماز کی اڈیک مارہ تے تجھو جائے گو جے وہ نماز ما ہی ہے۔

اس حدیث نا امام مسلم، امام داود، امام ترمذی تے امام ابن ماجہ نے وی نقل کیو ہے۔ اسے اجر تے ثواب کا حصول کے پیش نظر قرون اولی کا مسلمان مسیتاں توں دور رہائش رکھیں تھاتاں جے زیادہ قدم اٹھیں، زیادہ ٹرنو

حضرت عبداللہ بن عمر رضی

اللہ عنہ توں روایت ہے جے رسول اللہ ﷺ نے فرمایو۔ (فرض) نماز جماعت کے نال ایگلا آدمی کی نماز توں ستائی درجہ بدھ کے ہے۔ (ابنخاری)

اس ارشاد گرامی نا جت امام

بخاری رحمہ اللہ علیہ نے اپنی صحیح ماروایت

کیو ہے، اتے صحاح ستہ کی ہر کتاب ما

الفاظ کی معمولی تبدیلی کے نال سامنے آئی ہے تے اپنا معنی تے مفہوم کا اعتبار نال نہایت وضیح ہے جے فرض نماز نا باجماعت ادا کرنو ایگلا آدمی کی نماز توں ستائی درجہ بدھ کے ہے۔

قرآن کریم تے احادیث رسول ﷺ کو مطالعہ کھن آلا مسلماناں

توں یاہ گل او پلے نہیں جے نماز جیہڑ و دین اسلام کو اک اہم تھم ہے، اس نا چھڑو پڑھن کو حکم نہیں بلکہ جت وی اس کو تڈ کرو ہو و لفظ اقامت کے نال ہوو ہے۔ یعنی نماز نا قائم کرنو ہے۔ حکم وی اقامت کے نال ہے تے جزا وی اس کے نال ہے۔ سورہ بقرہ کا شروع ما اہل تقوی کی صفات کا ضمن ما وی و بقیہ یون الصلوٰ کی خبر دتی گئی ہے یعنی صاحبان تقوی کی اک اہم ترین صفت یاہ وی ہے جے وے نماز نا قائم کریں۔ قائم کرو یا قائم کریں۔ یہ دوئے جملہ اپنے اندر مچ ہی وسیع مفہوم رکھیں جس ما نماز کا سارا آداب آجائیں۔ ان آداب ما اہم ترین باجماعت نماز کی ادائیگی ہے۔ وال رکوع الراکعین یعنی رکوع کرو رکوع کرن آلاں کے نال۔ (البقرہ: 43) تقریباً ہر مسیت کی کسے نہ کسے دیوار و رکھو وہ دسے۔ یاہ وی یاد ہانی کی ایک صورت ہے جے ایگلاں وقت بے وقت نماز پڑھ لینو اقامت صلوا مانیں آتو۔ اسلامی معاشرہ ما مسیتاں کو وجود مسلماناں کی اجتماعیت تے وحدت کو اک عظیم الشان سبب ہے۔ یعنی



مولانا قاری محمد زبیر نعیمی

اسلام آباد

غور کرے تے نماز کا بارہ ما اپنی روش کو جائز و لیئے۔ کدے کائے کمی کوتاہی ہے تے اس کی تلافی کی فکر کرے اور اس وعید نامعمولی سمجھ کے نظر انداز نہ کر چھوڑے۔

نماز باجماعت نامعمول کی چیز سمجھن آلاں اہل ایمان واسطے اک نابینا صحابی حضرت عبداللہ بن ام مکتوم رضی اللہ عنہ کی روئیداد اپنے اندر عبرت کو سامان تے وزن رکھے۔ فرماویں جے میں رسول رحمت ﷺ ناعرض کی جے اے اللہ کا رسول ﷺ ہوں اک نابینا شخص ہاں۔ میرو گھروںی مسیت توں دور ہے تے کوئے ایسو آدمی وی نیں جیہڑو منان مسیت تک لیان مامد کرے، ایسی صورت مامیرے واسطے کائے گنجائش ہے جے ہوں اپنا گھر ماہی نماز پڑھ لیا کروں؟۔۔ دریافت فرماوے۔۔ کے تم اذان کی آواز سنیں؟۔۔ عرض کی: جی ہاں۔ فرماوے: گھر ما نماز پڑھن کی کائے گنجائش نیں۔ یاہ گفتگو مہارے تک امام احمد بن حنبل، امام ابو داؤد، ابن ماجہ، ابن خزیمہ تے امام حاکم نے پوچھائی ہے۔

غور تے فکر کرو جے صحابی نابینا ہیں، گھروںی دور ہے تے کوئے آدمی وی مسیت تک لیان کے واسطے نیں لیکن دربار نبوت توں گھر ما نماز پڑھن کی اجازت نیں ملی۔ نماز باجماعت کی اہمیت کے واسطے اس توں بدھ کے اور کے دلیل ہو سکے۔

لہذا ان ارشادات گرامی کی موجودگی ما اک ایسا مسلمان واسطے جیہڑو اللہ تے رسول ﷺ نال محبت رکھن کو دعوی داروے کسرح ممکن ہے جے وہ فرض نماز نا باجماعت مسیت مامدادا کرن کو اہتمام نہ کرے اور اس کے واسطے فکر مند نہ وے جے اس نا اک نماز کو ثواب ستائی نمازاں کے برابر ملے گو۔ اک نماز کے بدلے ستائی نمازاں کو ثواب کیوں؟ نگاہ نبوت تے لسان نبوت نے ستائی کا تعین کو کہیو ہے، اس واسطے چون چرا کی کائے گنجائش نیں۔ مسلمان ہوں کینا طے ایمان لیانو ہی سعادت تے فلاح کو ضامن ہے۔ اللہ رب العزت ہمنان سمجھ عطا فرماوے، مہاری راہنمائی فرماوے تے توفیق عطا فرماوے جے ہم اللہ کا گھراں ناپنج وقتہ نمازاں کی باجماعت ادائیگی نال آباد کراں۔ آمین

پوئے تے نامہ اعمال مانکیاں کو اندراج وے اور گناہواں کا نشان مٹتا رہیں۔ حضرت عبداللہ بن مسعود ہمنان دسیں جے یاہ میری اکھیں دیکھی گل ہے جے جماعت کی نماز توں صرف وے ہی منافق دور رہیں تھا جھاں کو نفاق باندے باچھڑوے تھو۔ ورنہ تے لوک معذور آدمی ناوی سہارو دے کے لیاویں تے نماز کی صف ماکھڑو کر دیں تھا۔ ہن تم ہی انصاف نال دسو جے معمولی عذر کی وجہ توں نماز باجماعت توں اپنا آپ نامحروم رکھنو کت کی دینداری ہے؟۔

امام مسلم رحم اللہ علیہ کی روایت کی وی حدیث جس نا حضرت ابو ہریرہ رضی اللہ عنہ رسول اکرم ﷺ توں نقل کریں کیہڑا مسلمان نے نیں سنی ہو سے جیہڑی جماعت ترک کرن آلاں ناسختی نال منع تے وعید کی انتہا تک پوچھی وی ہے۔ فرماویں جے رسول اللہ ﷺ نے کجھ لوکاں کی غیر حاضری نا نوٹ فرماوے تے اسرے فرمان لگا: میرو ارادو وے جے ہوں کسے آدمی نا کہوں جے وہ مسیت ماموجود لوکاں نا نماز پڑھاوے تے ہوں ان لوکاں کو لے پوچوں جیہڑا نماز باجماعت ما شریک نیں ہوتا، فر حکم دیوں جے لکڑیں اکٹھیں کر کے ان لوکا سمیت ان کا گھراں ناساڑ دو جائے۔ مسند احمد کی اک روایت ما ہے جے کدے ان گھراں ما بیٹلیں تے نکا بچہ نہ ہوتا تے ہوں اپنا جواناں نا کہو جے جیہڑو کجھ گھراں کے اندر ہے اس ناگ لا دیو۔ اس ارشاد مبارک کا انداز نا سمجھن ماکائے دقت تے مشکل پیش نیں آنی چاہیے۔ اس حقیقت توں ہم سارا بخوبی واقف ہاں جے رسول مکرّم ﷺ کی ذات اقدس نا اللہ رب العزت نے عالمین کے واسطے سراپا رحمت بنا کے بھیجو ہے۔

قرآن حکیم کی اک شہادت یاہ وی ہے جے ایمان آلاں ناکائے تکلیف پوچے واہ آپ ﷺ نا دکھی کرے۔ فر آپ ﷺ اہل ایمان واسطے رؤف تے رحیم وی ہیں۔ ان سارا حقائق کے باوجود آپ ﷺ کو یوہ فرمانو جے میرو ارادو وے جے ہوں ان لوکاں کا گھراں ناگ لا کے ساڑو جیہڑا جماعت کی نماز واسطے نیں آتا۔ یاہ گل اک دفعہ نیں سوو ارسو چین کی ہے تے وہ مسلمان جس کا دل ما ذرا وی رسول اکرم ﷺ نال محبت ہے وہ اس و ضرور

"سرکارِ دو عالم ﷺ کی ذاتِ رحمت ہی رحمت"

الانبیا (کے ذریعہ واضح آپ ﷺ ہورائیں کو ایک بکھرو وصف دہسیو ہے۔ "جب ہم نے تم نانہ دنیا جہان کا لوکاں واسطے رحمت بنہا کے پچھو یعنی آپ ﷺ ہورائیں کی ذاتِ رحمت نال پہر پور ہے، نہ خالی اس زمانہ واسطے جس مانہ آپ صلی اللہ علیہ وسلم ہورائیں کو ظہور ہو یو، ہور نہ صرف انھاں لوکاں کے واسطے جنھاں کے سامنے آپ صلی اللہ علیہ وسلم ہورائیں نانہ مبعوث فرمایو گیو، بلکن قیامت توڑی آن آلاں انساناں واسطے آپ ﷺ ہورائیں نانہ نبی رحمت بنہا کے پچھو۔"

نبی کریم صلی اللہ علیہ وسلم ہورائیں وارے سیرت مبارک کی کتاباں کا مطالعہ تیں وی پتو چلے جہ آپ ﷺ ہورائیں نے مکہ کا کفاراں کے ہتھوں کیہڑی کیہڑی تکلیف تے اوکھت پریشانی اپنے پر نہیں چھلیں، ور کدے کسی نانہ بددعا نہیں دتی ہور نہ کسے ور عذاب کی خواہش کی بلکن آپ ﷺ ہورائیں نانہ عذاب کو اختیار وی دتو گیو فر وی آپ ﷺ ہورائیں نے رحمت تے شفقت کو معاملو فرما کے ہر تکلیف ہر پریشانی نانہ نظر انداز کیو ہور ظالماں نانہ معاف فرمایو، حالاں جہ انھاں لوکاں کو ظلم کجھ کہٹ نہیں تھو جہ وی اللہ کا پیار محبوب ﷺ ہورائیں نانہ ایذا دین کا گناہ مانہ مبتلا ہو یا تھا، انھاں لوکاں ور اللہ تعالیٰ کو عذاب قہر بن کے نازل ہونو لوڑیے تھو ور آپ ﷺ ہورائیں نے ہمیش صبر نال کم لیو ہور صرف آپ کی صفت رحمت کی وجہ تیں وی اللہ تعالیٰ کا قہر تیں بچیا رہیا۔ نبی کریم صلی اللہ علیہ وسلم ہورائیں کی بابرکت شخصیت رحمت نال پہر پور ہے، آپ ﷺ ہورائیں کی شخصیت کا ہر پہلو مانہ ویہ سارا اوصاف و کمال مجود ہیں۔ آپ ﷺ ہورائیں کی کہر کی زندگی مانہ، کہر تیں باہر کا معاملات مانہ، اپناں تے غیراں سنگ، بڑاں تے نکاں بچاں نال پیار، محبت تے ہمدردی، کی بہترین مثال آپ ہیں۔ اللہ سبحانہ و تعالیٰ نے آپ ﷺ ہورائیں نانہ رحمت نال معمور دل عطا فرمایو جہہ و کمزوراں،

اللہ سبحانہ و تعالیٰ کو لکھاں، کروڑاں شکر تے احسان ہے جہ جس ذاتِ کریمی نے اپنا پیار محبوب نانہ، ہم نانہ عطا فرمایو، جنھاں نے ہم نانہ زندگی کی ہر لٹھی چڑھی تیں واقف ہی نہیں کرایو بلکن زندگی گزارن کا مچ چنگا رستاں تیں واقف کرایو، اس محبوب جہہ ساراں نبیاں کا سردار بن کے اس دنیا ور تشریف لہایا۔ حضور نبی اکرم ﷺ ہورائیں کی عظمت تے فضیلت ور مچ لکھو گیو ہے ہور لکھو جا رہیو ہے ہور جد توڑی یاہ دنیا باقی رہ گی، حضور نبی کریم ﷺ ہورائیں کا اوصافاں ور گل کی جاتی رہ گی ہور لکھو جا تو رہ گو۔ اللہ سبحانہ و تعالیٰ کی آخری کتاب جس نانہ اللہ تعالیٰ نے تقریباً 23 سال کا عرصہ مانہ حضور نبی کریم ﷺ ہورائیں پر وحی کے ذریعہ نازل فرمائی،

اللہ سبحانہ و تعالیٰ کا پیار محبوب محمد عربی صلی اللہ علیہ وسلم ہورائیں کو ایک ایک قول تے فعل مبارک، خوبصورت گلدستہ ہاروں ہے، آپ ﷺ ہورائیں کو اخلاقِ عالیہ تے اوصافِ حسنہ ایک خوب صورت تے صاف شفاف شیشو ہے۔ قرآن کریم مانہ مچ جایاں ور آپ ﷺ ہورائیں کو ذکر خیر مجود ہے، کدے آپ صلی اللہ علیہ وسلم ہورائیں نانہ اللہ سبحانہ و تعالیٰ کو رسول فرمایو گیو ہے، کدے لوکاں نانہ خوش خبری سنان آلودہسیو گیو ہے، کدے فرمایو گیو جہ اے محمد تھہاری رسالت ساری دنیا واسطے ہے، کدے فرمایو گیو ہے تم آخری نبی ہیں۔ قرآن شریف کا مطالعہ تیں بعد یاہ گل نکھڑ کے سامنے آوے جہ قرآن مبین مانہ آپ ﷺ ہورائیں کا بے شمار اوصاف دہسیا گیا ہیں۔ ور اللہ تعالیٰ و ما رسنک الارحم للعالمین) سور



تحریر: وقار صدیقی

ریسرچ اسکالر علی گڑھ
مسلم یونیورسٹی، علی گڑھ

فرمایو: جس بندہ نے کسے گدري کی صحیح دیکھ پہاں کی ہوراس کی چنگی تربیت تے اس نانہ تعلیم دتی تے یاہ گدري قیامت آ لے تہاڑے اس واسطے دوزخ کی اگ اگے رکاوٹ بن جئے گی۔ آپ ﷺ ہوراس نے خود اپنا طرز عمل تیں صحاب کرام کے باندے کالسر یاں نال حسن سلوک کی اعلیٰ مثال قائم کیں ہیں۔ حضور نبی کریم ﷺ ہوراس نے بیوہ کالسر یاں نال نکاح کر کے دنیا نانہ یوہ سنیہو دتوہ بیوہ نانہ کہلاں نانہ چھوڑ وبلکن انھاں نانہ وی اپنا سماج مانہ عزت دیو۔

خادماں تے نوکراں کو خیال: آپ ﷺ ہوراس کو خادماں تے نوکراں نال مچ پیار تھواسے واسطے آپ ﷺ ہوراس نے ارشاد فرمایوہ خادم تھہارا پہائی ہیں، انھاں نانہ اللہ تعالیٰ نے تھہارو ماتحت نہا دتوہے، کدے کسے کو پہائی اس کے ماتحت بن جئے تے اس نانہ اپنی روٹی بچوں کھوالے، اس نانہ اسا کپڑا لویا جائیں جسا ویہ آپ لاناویں، اس کی طاقت تے ہمت تیں مچ کم نہ لیو جئے، کدے کوئے سخت کم لے تے اس کی مددوی کی جئے۔ اسے طرح حضور نبی کریم ﷺ ہوراس کو ارشاد ہے کہ کدے تھہارو نوکر تھہارے واسطے روٹی نہا کے آنے، ہوراس نانہ اپنے نال بسال کے کھوالو یا ان کھان آلی چیزاں بچوں اس نانہ کجھ دے چھوڑو، اس واسطے کہ اگ کی پیش ہور تھواں کی تکلیف اس نے برداش کی ہیں۔

یتیمیاں نال پیار تے ہمدردی: یتیمیاں واسطے آپ ﷺ ہوراس کا دل مانہ مچ ہمدردی تھی، اس واسطے آپ ﷺ ہوراس نے صحاب کرام ہوراس وروی یتیمیاں کی کفالت کرن ور زور کھلیو۔ ایکن مقام ور حضور نبی کریم ﷺ ہوراس نے ارشاد فرمایو: ہوں ہور یتیم کی کفالت کرن آلو جنت مانہ اس طرح ہواں گا، آپ ﷺ ہوراس نے قربت بیان کرتاں واں انگلیاں کو اشارو کرتاں واں فرمایو۔ یتیم کی کفالت کرن آلو حضور نبی کریم ﷺ ہوراس کے نال جنت مانہ مچ کول ہوویجے گو۔

لاچاراں، مسکیناں تے یتیمیاں کی حالت زار ور ترف جئے، سارا جہاناں کو درد آپ ﷺ ہوراس کا دل مانہ بٹلو ہو کے آیو۔ ات توڑی جہ رحمت کو وصف آپ ﷺ ہوراس کی طبیعت ثانیہ بن گیو، نکا، بڑا، اپناں، پرایاں، مسلمان، کافر سارا ہی آپ ﷺ ہوراس کا رحم تے کرم تیں فیض حاصل کریں تھا۔

بچاں ور شفقت: آپ ﷺ ہوراس نال مچ پیار کریں تھا، مدینہ منورہ کی گلیاں مانہ کوئے بچو آپ ﷺ ہوراس نانہ چتو کھیدتو نظر آوے تیا آپ ﷺ ہوراس خوشی نال، اس نانہ لاڈ پیار فرماویں، اس کے نال ہسی مزاق فرماویں، ایک واری کی گل ہے جہ آپ ﷺ ہوراس اپنا دوہتر حضرت حسن رضی اللہ عنہ ہوراس نانہ پیار فرما رہیا تھا تے ایکن دیہاتی نانہ یوہ منظر ہیر کے مچ حیرت ہوئی ہور عرض کرن لگوہ، تم اپناں بچاں نال پیاروی کریں، ہم تے نہیں کرتا، آپ ﷺ ہوراس نے ارشاد فرمایو۔۔ کے اللہ تعالیٰ نے تیرا دل بچوں رحمت کو جذبو ختم کر دتوہے، ایک مقام ور آپ ﷺ ہوراس اپنی دوہتری امامہ بنت زینب رضی اللہ عنہا ہوراس نانہ چاتاں واں نماز پڑھ رہیا تھا، جد آپ ﷺ ہوراس سجدہ مانہ تشریف لے جائیں تھا تے امامہ نانہ زمین ور بسال چھوڑیں تھا ہور جد اٹھیں تھا تے انھاں نانہ چہولی مانہ چالیں تھا۔ اسی طرح ایک واری نماز کے دوران بچہ کارون کی اواز سنی تے آپ ﷺ ہوراس نے نماز مختصر کی تاں جہ بچا نانہ مچ تکلیف نانہ ہووے۔

کالسر یاں سماج مانہ عزت: کالسر ی فطری طور ور کمزور ہویں، آپ ﷺ ہوراس نے بار بار صحاب کرام نانہ تلقین کی جہ ویہ کالسر یاں سنگ نرمی کو معاملو کریں، انھاں کی دل جوئی کریں، انھاں کی طرفوں پیش آن آلی ناگوار گلاں ور صبر کریں۔ حضور نبی کریم ﷺ ہوراس نے ارشاد فرمایو: خبردار! کالسر یاں نال حسن سلوک کرو، اس واسطے جہ یہ کالسر ی تھہاری نگرانی واسطے ہیں۔ ایک مقام ور کالسر یاں کی تعلیم تے تربیت کا بارا مانہ حضور نبی کریم ﷺ ہوراس نے ارشاد

آپ ﷺ نے صحابہ کرام نانہ فرمایو جبہ کدے ہوں اس تھہم نانہ چھاتی مبارک نال نہ لاتوتے یوہ تھہم قیامت توڑی اسے طرح رتو رہتو۔

معاف کرنو: مکی دور مانہ مکہ کافریشاں نے آپ ﷺ ہوراں نانہ مچ ستایو، آپ ﷺ تے آپ کا صحابہ ورتنو ظلم کیوات توڑی جبہ آپ ﷺ ہوراں نانہ اپنو وطن عزیز وی چھوڑنو پیو۔ اس تیں بدہ ہور کے تکلیف آلو واقعہ ہو سکے جو یہ اپناں ہم وطنان کا ظلم تے ستم تیں عاجز آ کے اپنو کھر بار سارو کجھ چھوڑ کے دور تشریف لے گیا۔ اس کے باوجود جد کجھاں سالان بعد آپ ﷺ ہور فاتحانہ مکہ مکرمہ مانہ آیاتے اعکساری سنگ آپ ﷺ ہوراں کی گردن مبارک نیویں تھی ہور آپ ﷺ کی زبان مبارک ور یہ الفاظ تھا: تھہارے وراج کوئے گرفت نہیں ہے۔ حالان جبہ آپ ﷺ ہور اس تہاڑے چاہتاتے اپناں ساراں دشمنان نانہ چین چین کے بدلو لیتا، ور آپ ﷺ ہوراں نے بدلو لین کے بجائے معاف کرن نانہ ترجیح دتی ہور فرمایو: اراج رحمت کو تہاڑو ہے۔

مختصراً، اسی عظیم ہستی ہور اس عظیم موضوع بارے ہوں خالی نمانو کے لکھ سکوں، ورساراں مذہباں، مسلکان تے قبیلاں کا چنگی سوچ رکھن آلاں لوکان نے اس سچ نانہ تسلیم کیو ہے جساراں سمندر ان کا پانی نانہ کھٹھاں کر کے سیاہی بنہائی جے، ساری دنیا کا بوٹاں نانہ کپ کے انھاں کا قلم بنہا یا جنیں، ساراں سمندر ان کا پانی کی بنی وی سیاہی ہور قلم ختم ہو جنیں کا، ور رحم للعالمین ہوراں کی رحمت تے شفقت کا بے شمار پہلوں ختم نہیں ہون لگا۔ اللہ تعالیٰ ہم ساراں نانہ اپنا پیار محبوب محمد عربی ﷺ ہوراں کو سچو محبت بنہا وے تے انھاں کی سنتاں ور چلن کی توفیق بخشے۔۔۔۔ آمین۔

جانوراں ور رحم: آپ ﷺ ہوراں کی رحمت کو کھیر و صرف انساناں نال ہی نہیں تھو بلکن بے زبان جانوراں نال وی آپ ﷺ ہوراں کی رحمت کو معاملو تھو۔ حدیثاں مانہ آ یو ہے جبہ ایک واری حضور ﷺ کسے انصاری صحابی کا باغ مانہ تشریف لے گیا، ات ایک اونٹھ تھو، آپ ﷺ ہوراں نانہ ہیر کے اونٹھ کی اکھاں بچوں اتھروں بکن لگ پیا۔ آپ ﷺ ہور یوہ منظر ہیر کے اس اونٹھ کول تشریف لے گیا، اس کا جسم ور تھہ پھیر یو ات توڑی جبہ ورسکون ہوگیو۔ اس تیں بعد آپ ﷺ ہوراں نے پچھو اونٹھ کس کو ہے؟ ایک انصاری نے عرض کی یا رسول اللہ! یوہ میرا اونٹھ ہے۔ آپ ﷺ ہوراں نے اس تیں فرمایو، توں اللہ کا خوف تیں نہیں ڈرتو جس نے تیناں اس اونٹھ کو مالک بنہا یو ہے۔ اس نے میرے اگے تیری شکایت کی ہے جبہ توں اس نانہ پہنکھو رکھے ہور اس تیں توں مچ کم لے لگو۔ آپ ﷺ ہوراں کو فرمان عالیشان نے ہے جبہ اللہ تعالیٰ نے ہر چیز نال حسن سلوک کرن کو حکم دتو ہے۔ کدے تم ذبح کریں تے چنگا طریقہ نال ذبح کرو، ذبح کرن تیں پہلاں اپنی چھری تیز کر لیا کرو تاں جبہ چوکھر پہاروں بکری نانہ مچ تکلیف نہ ہووے۔


بے زباناں ور رحم:۔ بے زبان چیزاں ور وی آپ ﷺ ہوراں کی رحمت کو کھیر و مچ کھلو تھو، سیرت کی کتاباں مانہ ایک حیرت آلو واقعہ موجود ہے، جس تیں پتو چلے جبہ بے زبان چیزاں نال وی آپ ﷺ ہوراں کو کنتو ڈہنگو تعلق تھو۔ مسجد نبوی مانہ جد آپ ﷺ ہور خطبو دیتاں دیتاں تھک جنیں تھاتے ایکن تھہم سنگ ٹیک لایں تھا۔ بعد مانہ آپ ﷺ ہوراں واسطے منبر تیار کرا یوگیو۔ آپ ﷺ ہوراں ور تشریف رکھن لگا۔ ظاہر ہے جبہ وہ ستون آپ ﷺ ہوراں کا جسم اطہر تیں محروم ہوگیو۔ اس بے زبان ستون نانہ اس واقعہ تیں اسو صدمو جیو جبہ وہ ترف پیو ات توڑی جبہ اس کارون کی اواز آپ ﷺ ہوراں نے وی سنی ہور صحابہ کرام کا کناں توڑی وی بجی۔ آپ ﷺ ہور منبر تیں لہہ کے تھہم کول تشریف لے گیا، ہور اس ور شفقت کو تھہ رکھ کے اس نانہ ورسکون کیو۔

تکھستی آس

توں دور جت شمس کی ڈیوٹی تھی اتے رہن لگا کیوں جے انہاں ناں فکر تھی جے کوے اپنوی چغلی کر گے اک دو جاتوں کنی نہ کر چھوڑے۔ ورویں یہی تھی جانیں جے اللہ نا کے منظور ہے ویں دوے اپنی زندگی مچ بیار تے اتفاق نال گزارن لگا اک دو جانہ دیکھ دیکھ کدے اکھ وی نہ تھی۔ ان گاہیاں اٹھ سال ہو گیا۔ شمس تے رضیہ گے گھر اللہ پاک نے دودھی تے اک پوت دیتو۔ ویں راضی خوشی اپنا عیال نال وقت لگا ویں تھا۔ شمس تہیاڑی ڈیوٹی دے تینو اشاں ناں اپنا عیال ماں آرام نال ہسن کھینڈن کرے تھو شمس تے رضیہ سوچیں تھا جے مہارو پیار کتے لئی مجنوں توں وی بد ہے سکون کی زندگی گذاریں تھا۔

اک تہیاڑے شمس نوکری ورتھو تے رضیہ جاتکاں ناں روٹی پانی دے غے کوٹھانے چند بیکر ادھوے تھی ایچر نادر وازو کھڑکان گی کید آئی۔ رضیہ بہلی بہلی اراں بیہر امانہ آئی تے دیکھن لگی اگے دو سپاہی کھلا تھا ویں اس ناں پلو پھن لگا واہ کجھ چونہں گی تے اپنونا پلو دسیو تے شمس گووی دسیو رضیہ ناں یوہ پتونی تھو جے یہ کون ہیں انہاں نے رضیہ غی بانہہ پکڑی تے لے تھانے پچھای۔۔۔ پچھای گو بیل بلاس تھو ورا انہاں نے کجھ نادیکھو رضیہ نہ چین جگی رہی تے نہ مرن بگی سہدی جیل خانہ ماں دے چھوڑی سارو چین سکون اک کھڑی ماں ملیا میٹ ہو گیا اللہ یوہ کہ ہو یو رضیہ سوچے تے خون گا اتھروں کیرے و رہن کوے بس نی چلتو۔۔۔ انکا شمس تے پچھیاں ناں وی دو جے تہاڑے پکڑ غے جیل ماں پچا چھوڑیو۔۔۔ کنگا گیا ویں لئی مجنوں گیار کنگا گی واہ موج مستی سارو ٹبر بے قرار ہو گیا تے جیل کی کوٹھڑی مانہہ پابند ہو گیا سزا اس گل غی جے رضیہ خونی لکیر غے پار لے پاسوں آئی تھی تے شمس فوج گونو کر تھو کجھ وقت جیل ماں رکھن توں بعد رضیہ نا کڈ غے لکیر گے پار لے پاسے یعنی پاکستان وچھوڑاں گا تہاں تندور ماں ٹور چھڑیو جت کالجے گا ٹوٹاں گودر وی سہنو پے گیو تے شمس نا نوکری توں کڈ گے جاتکاں سمیت گھر ٹور چھڑیو۔۔۔ شمس نکاں ناں لے گے اپنا قبیلہ مانہہ آن بسیو تے رضیہ بنا پار تھکتی آس لے گے وچھوڑاں گی اک ماں اج وی سڑے لگی۔

رضیہ ماں باپ گی مچ لاڈلی تھی تھی تی ٹھنڈی ہوا وی کدے نی لگن دیتی رضیہ نچن کدن توں بغیر اجاں کایں گی واقف نی تھی واہ گھر توں تھوڑی دوراڑے مٹی مانہہ بیٹھی وی اک ٹاری چاڑے تے فراس ناروڑے ہن اس نے تہی واری ٹاری چاڑی تھی جے ایچر نا کجھ رولو آ یولوک اراں پراں نیسں تھا واہ چھٹ اک کھل گے دیکھتی رہی



کلشوم چوہدری
جموں کشمیر

فر کھینڈن ہو گئی۔۔۔ ہن فر خیر و رولو پے گیو واہ دوڑتی دوڑتی گھر گے اگے دیکھے جے دروازہ کھلاتے پانڈا اندر باہر پیا واہ در بندگی ذات ات نی واہ وی روتی پٹ پٹاس کرتی لوکاں نال سن لگی رضیہ ناں یوہ پتونی تھو جے یوہ کے رولو ہے تے یوہ ظالم اپناں نالوں نکھیر غے کدے دور چاٹے گو۔ بس واہ وی اوپراں لوکاں نال نستی نستی کدے دور جا پھگی۔ نہ کوے اپنوتے نہ واقف کار لہیے۔ ایچر نہ یاہ خبر آئی جے ملک غو بٹو او ہو گیو ہے واہ بنا گے پار لے پاسے تے اس گو خاندان رتی لکیر گے اس پاسے رہ گیو۔ واہ اندر واندری تسکتی رہی وراں نا اپنا نہ لہا۔ وقت اگر یڑے لکتو گیو تے رضیہ ہن جواٹری ہو گئی۔ رضیہ اپنا آپ ناہر کھڑی ایٹھی سمجھے تھی گنگن پتال کی بیٹھ پیروی چین سکون کھس لے گئی۔ آخر رضیہ وچھوڑا گو صدمو برداشت کر کر غے تھک گی اس نے ہندوستان آن گو فیصلو کر لیو واہ کے طرح اپنی تسکتی تاہنگ لے گے رتی لکیر وروں لنگ گے اپناں قبیلہ مانہہ لوڑتی لوڑتی آن پچی۔ آخر اپنوں قبیلو لوڑ لیو۔ ات کجھ وقت رہ گیا پنا کنبہ نال ہسہ کھینڈ گے مڑ پاکستان جان گوارا دو مکا چھوڑیو قسمت گا لیکھ اتے اس گونکا ع اپنا پھیر شمس نال کرا چھوڑیو جہڑ فوج مانہہ نوکری کرے تھو۔ ویں دوے راضی خوشی رہن لگا ہن رضیہ سوچے تھی یاہ دنیا ساری میری اپنی ہے میرا دکھ درد سارا مک گیا وچھوڑا گی لمی رات گی سویل ہوگی۔ انکا شمس وی مچ خوش تھو وقت اگر یڑے لکتو گیو ویں دوے اپنا علاقہ

نکی جیہی کہانی

ہے گھڑا کی مانگ وی اج کل زیادہ ہے۔

کمہار تھوڑی دیر کچھ سوچتو رہیو

فراس نے مٹی نا اٹکل نال چلہم توں حقہ کو روپ دے کے بنا نو
شروع کر دو تو،

مٹی نے کچھو: یوہ کے کر رہیا ایں، اچانک میرو روپ کیوں بدل
چھوڑیو۔ ہوں تے چلہم تھی، نکی جیہی، سوہنی جیہی، پتلا منہ آلی، یوہ
کے کر رہیا ہیں میرو روپ بدل کے اتنو بڑو ٹھول کیوں بنا چھوڑیو
ہے۔

کمہار نے جواب دیتو۔

اوخو۔۔۔ تیرو روپ ہی نیں بدلیو۔۔۔ بلکہ میری سوچ بدل گئی
ہے۔ پہلاں تیرا ٹھڈ ماگ بالوں تھو، ہن پانی نال پہروں
گو۔ پہلاں تیری وجہ توں لوک بیماریاں کو شکار ویں تھ، ہُن
فاندو ہی فاندو چا ویں گا۔ پہلاں شر تھو ہُن تیرے کولوں لوک
فیض حاصل کریں گا۔

مٹی بولی، او چہلیا کے گل کرے تیری تے چھڑی سوچ بدلی ہے،
توں کے جانے اصل نفعو تے مناں حاصل ہو گیو ہے۔ کمہار نے
کچھو وہ کسرے۔۔۔ مٹی بولی، وہ اسرے جے میری زندگی ہی
بدل گئی ہے۔ ہوں تکلیف توں نکل کے آرام تے سکون ما آ گئی
ہاں۔

ہم سارا کدے اپنی سوچ بدلاں تے مہاری زندگی آپے بدل
جائے گی۔

کمہار مٹی توں کچھ
بنارہیو تھو جے اس غی ٹبری نے
کولے آغے کچھو کے بنارہیا
ایں جناب؟

کمہار بولیو حقو (چلم) بنا رہیو
ہاں، اج کل چلہم کافی زیادہ بک
رہی ہے، چنگو منافعو ہو جائے

گو۔ ویسے وی جس چیز کی مانگ زیادہ وے اس نظر مارکھ کے کم
کیو جائے تے کامیابی تے فاندو ضرور لھیں تے ستھری کمائی ہو
جائے۔


ٹبری کہن لگی۔۔۔۔۔

زندگی غومقصد صرف کمائی غو ذریعو ہی نہی، کچھ اور وی ہے، تم
میری منوتے کوئے اور کم کرو، میرو کہن کو مقصد یوہ ہے جے
بجائے حقہ کے کائے اور شے بنا چھوڑو۔

کمہار بولیو۔۔۔ اچھا دس کے بناؤں؟

ٹبری نے کہیو۔۔۔ میرو دل کہہ جے آج تم صراحی (گھڑو) بنا
چھوڑو کیوں جے اج کل گرمی کو موسم ہے گھڑو بن گیوتے خوب
بلے گو۔ بلکہ اس کا دو فاندہ ہو جائیں گا۔

کمہار کچھن لگو وے کیہڑا۔۔۔؟ ٹبری کہن لگی۔۔۔ ایک تے
لوک اس گھڑا کو ٹھنڈو پانی پیئیں گا، انھاں کی تس بجھے گی، ثواب
ملے گوتے دو جے کمائی وی چنگی وے گی، کیوں جے گرمی کو موسم




اکبر کسانہ
حویلی

نثری نظم

عنوان 'قافلہ کے ناں'

جن نے ان بیڑیاں ماہمہ ساتھ دتو کند ٹھپیری؛
 موہنڈھانال موہنڈھنولا گے۔
 دل بدھا گے؛ میری کہائیں بھل بھلا گے
 نہورا پہار اسٹ سٹا گے۔
 بیر شریکا پٹ پٹا گے۔
 سینے لا گے مان بدھا گے
 مناں میرا ہون کو مقصد
 وقعت قدر ہنر برکت
 دس کے اکھیں خاب جگایا
 ان چاہت بھری نگا ہواں گو۔
 سدھر سلونارا ہواں گو۔
 ٹھنڈی چھتری چھانواں گو۔
 جی اماں کی دعانواں گو۔
 بابا کی سکھ صلاحواں گو
 دواکھاں گو دوبا نہواں گو۔
 ان چٹکیاں چاہت چاہواں گو۔
 مچ شکر نیوسب بھلانواں گو۔
 مستانی رت اداواں گو۔
 جھلن نہ ہوئی جس کی جھال
 بن گئی آخری میری ڈھال
 ہوں صدقویا رسبھانواں گو۔



نظم نگار: رانا ابرار

'راہی' بن گیو میری ڈاہی؛

'زمزم' میرو نکو بھائی؛ 'راحت' وی ہے اسے تھائی؛ 'ممتاز' کی سنگت مچ سبھائی؛ تیری 'مصباح' ہوں بلائی۔

'صارف' کا کلام کے صدقے جس نے ہمت خوب بدھائی۔

'مسرور' رہیو ماں جانیو بن گے 'ارشاد' ہمیشاں سایو بن گے۔

'باسی' وی ہمسائیو بن گے۔

'آبص' کا پیار کی لنگ کے ست سمندروں آئی سو گند۔

'تابش' وی ہے مچ پسند۔

'حیات' کورہ اقبال بلند۔

وہ وی بنیو رہیو ڈھال کتنی سال میرے نال 'فرحت' چلیو بے مثال پچھ بھال حال نچھ بھاوے 'شیرپسوال'

'فیصل' بندو مچ کمال اس کی سوئی مٹھی چال۔

جدوی دل نے ہمت ہاری

تھارو کلام؛ تھاری شاعری

دل نا مچ ٹھندیار پہ جا گئی

زندگی کی ایک تلخ کہانی

بھانویں کتنا سال کھڑا گئی

تھاری سنگت سنگ بھا گئی

اک گل تھاری دل لبھا گئی

بھانویں ہوئے رات کلکھی

ہمت شمت لکھ نہ ہار

جھڑ بدل نا کر گے بکھی

نمل نیلو ہو جائے یار

رڑ جیس غم کا سارا ہڑ

رانا توں وی جائے گو چڑ

غزل

یاغی وی کجھ باغی وی کجھ، قدرے ان من وی تھو
بندو ہاں لاڈلو ہاں ہوں، اسیگو فن وی تھو

جیتو رہیو روح آس دلاسا مانہہ اج توڑی
تاہم چروکنو یوہ بت مانہہ دن وی تھو

سو وار شکریو تیرو لکھ وار آفریں
اے زندگی تیرو سفر خاصو کٹھن وی تھو

چرچہ مانہہ، سرخیاں مانہہ تے نقشہ مانہہ تھو چنام
جنت مثال سیانا کہیں، میرو وطن وی تھو

کے جائزو لیوں آپے کے محاسبو کروں
کوے سرہانو آپنو، کوے داون وی تھو

تعجب ہے! کے رواں تے پٹاس مرن گو
جیتا گو اک کنگاس تھو، اک دن مرن وی تھو



سراجتانی

پر کیکراں؟ جان آلا مچ کجھ نال لے چلیں
اپھل بوٹا ناں دیکھو، چھکھڑ چہلن وی تھو

ہے عین، شین، قاف توں کانات گو وجود
لحامہ وی امارہ وی تھو نفس، بدن وی تھو

بھلاں بھلاں ناں ظالم نے مٹی چٹا چھڑی
اس عشق گا بزار مانہ، یوسف حسن وی تھو

بوٹی بوٹی، کنی کنی پی کوکتی رہی
ان الحق گو معاوضو، دارو رسن ہی تھو

حکمت ہے دال لام گے بشکار گی یاہ تھ
جڑتی تے خبرے کے ہوتو، مسلو کٹھن وی تھو

ابسن توں نکلیو تندو، اوقات بھل گیو
تانا، بانا، پونی توں کجھ پہلاں، یوہ انھ وی تھو

ہوں کے سراج پرکھتو کپڑا دکان مانہ
اڈھ پاس کسے کونا مانہ اتے کفن وی تھو

نظم بعنوان، صحافت کا سردار کی گل،،

مرحوم فتح علی سروری کسانہ کی حیات تے خدمات کا موضوع پر شاعری صنفِ نظم کی صورت مانھ

1- گل ایک وفادار کی گل ہے
 قوم کا سچا پار کی گل ہے
 اچی سوچ بڈیرو قد
 اک اچا کردار کی گل ہے
 گجر جاٹ، تے گجر دیش
 بنائی کمیٹی گجراں کی
 فتح علی کسانہ نے
 اصلاحی کمیٹی گجراں کی
 حرفاں کا کاروبار کی گل ہے
 اک اچا کردار کی گل ہے
 2- اک نیک صفت انسان کی کہانی
 یاری توڑ نہان کی کہانی
 اک نڈر تے بے باک آواز
 تھی اک بہت چلاک آواز
 ایک غیرت مند جوان کی کہانی
 حق کا اک طوفان کی کہانی
 توی گے اس پار کی گل ہے
 اک اچا کردار کی گل ہے
 3- چند گزاری قوم کی خاطر
 بے آس بے سہاری قوم کی خاطر
 کام ہمدردی سنگ کرتا رہیا
 سر ادھ مصیبت جرتا رہیا
 اپنا آپ نا آپ تھمیں تھا



کلام۔ چودھری بلال زرم

ڈب ڈب کے بھی ترتا رہیا
 نت قوم کا رکڑ بنجراں مانھ
 بدل بن گے باروں برہتا رہیا
 بے درداں کی بستی ما
 درداں کا بیوپار کی گل ہے
 اک اچا کردار کی گل ہے
 صحافت کا سردار کی گل ہے
 4- غم گجراں کو جر نہیں سکیا
 لایو زور بڑو پر ڈر نہیں سکیا
 جد رکھ لئی اکھ اشماں پر
 پھر سرجنواں وردھ نہیں سکیا
 صحافت کا سردار کی گل ہے
 اک اچا کردار کی گل ہے
 5- اپنو آپ سمہال کے لکھیو
 جو لکھیو کھگال کے لکھیو
 جس پتھر کی ٹھوکر، لگی
 اس پتھر نہ تال کے لکھیو
 نوائے قوم اخبار کی گل ہے
 اک اچا کردار کی گل ہے
 6- نفرت کا پھانڈا، تھک گیا
 نت چارچوکی پھر پھر کے
 اک آس کو دیوہ بلتو رہیو
 کنیں بارچوکی پھر پھر کے
 اک گجر گاندی لڑتو رہیو
 عنخوارچوکی پھر پھر کے
 دیکھیو وے اج وی زندہ ہیں
 تلوار چوکی پھر پھر کے

جموں کا بازار کی گل ہے
 اک اچا کردار کی گل ہے
 7- اتفاق اتحاد کو نعرو، لایو
 جتنو زور تھو سارو لایو
 میں، میری، کی رٹ مکا کے
 چرچو مہارو تھارو لایو
 اک شاعر تے فن کار کی گل ہے
 اک اچا، کرداد کی گل ہے
 8- نہیں تکیو دھپاں چڑیاں نہ
 سنٹورہیو قوم کی اڑیاں نہ
 اپنے ہتھیں گھڑ گھڑ کے
 لایا تھم ادب کی کڑیاں نہ
 معیاری سوچ معیار کی گل ہے
 اک اچا کردار کی گل ہے
 9- گوجری ادب کے نال صحافت
 ہے اپنی آپ مثال صحافت
 فتح علی کا تابعدار
 لکھتا رہیں اکثر حرف نکھار
 غلام رسول اصغر تیں بعد
 صحافت سنگ طارق ابرار
 روداد قوم اخبار کی گل ہے
 اچی سوچ بڈیرو قد
 اک اچا کردار کی گل ہے
 سروری غم خوار کی گل ہے
 اک اچا کردار کی گل ہے
 صحافت کا سردار کی گل ہے

نظم --- خانہ بدوش

پیریں کنڈا
 راہ جنڈ گرٹا
 یاہ ہی مہاری تقدیر
 کے ہے اس گی تفسیر
 سارو سال ٹرتاں رہنو
 یوہ ہی مہارو گہنو
 شنگراں ماہلیاں کی ہم رانی
 کے پچھیں تم مہاری کہانی
 روڑھ روڑھ گے ہوئیں روڑ
 لگتے بسا کھ لگ جے دوڑ
 نالہ کٹھا کچھتاں
 سپاں کولوں پچتاں
 ڈھتاں اٹھتاں
 گھا پتر کپتاں
 لکڑی، پانی کرتاں
 چیراں، تنگاں دیاراں نال
 پہکھاناں، سمبلو، بیڑاں نال
 ہم نے کیں ہیں دل گی گل
 بیساں ہم نکامل
 گیت گانواں مھيساں نال
 بیت بولاں بھارواں نال
 چھیری مہاری میلی جئی



نظم نگار - شازیہ چودھری

ہے پر ہم نے سرور لئی
 پائی لیر چیراں گی
 فروی ہم سیڑاں گی
 کے دساں ہم قضیہ اپنا
 ہیں مہاروی کجھ سپنا
 لگتے اسومڑاں آواں
 جا، جاتیمبولانواں
 پنجال ٹپتاں، ٹپتاں
 ٹرتاں۔ ٹرتاں۔ ٹرتاں
 روڑھتتاں۔ روڑھتتاں۔ روڑھتتاں
 چھٹی گوچھٹ لگ جئے
 انہاس، کریرٹی، کٹ لگ جئے
 ہم ناڈ ہنگی سٹ لگ جئے
 پال پوس گے لیاواں مال
 بکروٹ، کٹروٹ چاواں نال
 کٹھا، کسین نالے مانیں
 نہیں کرن دیتی لہنی
 کے کراں دسوہم
 نہ کرو غصوتم
 نہیں حرفاں کی پچھان
 کس را کراں لکھن لکھان
 رہ جاں انگوٹھے چھاپ
 نہیں دیکھی قلم دوات
 مہاروی سدھورستوہوتو

ادواک جارہو ہو تو
 مہارے کول وی کا پی بستو ہو تو
 نہ یہ ہجرت گی لکیر ہوتیں
 ہم وی اندرا، بے نظیر ہوتیں
 کپ گے سنگل جہالت گی
 لے گے قلم مہارت گی
 ہم وی۔ نکہت، نسا، کلثوم ہوتیں
 کہانیں لکھتیں شاعری کرتیں
 نغی ہاروں
 گھند ہیرا کا پھل چننیں۔۔
 خانم گا پختا پہاڑور
 نسیم ہاروں ٹھنڈو پانی سٹنیں
 گل کی شاعری ما
 بابل نالوڑتیں ہوتیں
 زاہدہ کی کہانیاں ما
 جہازاڑتیں ہوتیں
 جے کر ہم پڑھی لکھیں ہوتیں
 فرہم وی دہلی ہوتیں
 ہن دہلی دور نہیں
 یوہ ہی کہتی ہوتیں

غزل


کر گے دل گا دو دو پھاڑا ہم بھی ہاں
 عشق گا کپاں اوکھا پاڑا ہم بھی ہاں
 غم گو ڈکو چھٹکیو ہے اکھاں تیں
 اتھرواں گا بگیا ناڑا، ہم بھی ہاں
 دل گے مانھے ہاٹا کتنا بھریا ہیں
 جھلیا ہم نے خوب اجاڑا، ہم بھی ہاں
 پھل صبر گو مٹھو ہوئے سنیو تھو
 پی لیتا ریہا کوڑا کاہڑا، ہم بھی ہاں
 کے کے نی کیو وی تیرے کچھڑن سار
 کے کے جتن کیا تے ہاڑا ہم بھی ہاں
 جان وی ہوئے گو ان راہیں کھلیو وی
 تیرا راہ ما چنگا ماڑا، ہم بھی ہاں



جان محمد حکیم

غزل

نہیں	جان	میری	نہ	نہیں
نہیں	انسان	سجن	کو	انسان
ہیرے	کے	کا	دوجاں	تو
نہیں	گربان	سنگ	کڑتی	تیری
میرے	لاج	رب	غو	رکھے
نہیں	مہربان		کوئے	ہور
کھسیرا	سپ	مانھ	روپ	انسانی
نہیں	نگہبان	وی	کوئے	ہور
راخھو	تے	ہیر	خانم	ہن
نہیں	شاہجہان	تے		ممتاز



زابدہ خانم

غزل

آ	کائے	گل	پرانی	دس
کت	کت	خواب	بخانی	دس
اج	بھی	ہوں	جان	کماہو
پھر	کیوں	الجبھی	تانی	دس
توں	میرو	ہوں	کس	راہ
کد	یاہ	گل	سمجھانی	دس
رکھی	سام	کے	وے	تیری
توں	بھی	کائے	نشانی	دس
فانی	خون	کا	اتھروں	کیرے
توں	اکھاں	ماہنہ	پانی	دس



مشاق احمد فانی

غزل

دل	بچ	یار	بسانو	اوکھو
غربت	ڈنگ	ٹپانو	اوکھو	
خوشی	سکھ	غا	سارا	سنگی
دکھ	بچ	نیڑے	آنو	اوکھو
رے	کدے	ہن	چنگو	
اس	نانہہ	فیر	منانو	اوکھو
شر	غی	محفل	سجیں	ہر
کھر	خدا	مانہہ	جانو	جا
جے	کوئے	دل	مانہہ	بس
اس	نانہہ	فیر	پہلانو	جے
				حسن
				اوکھو



حسن دین حسن

غزل

دیکھ لیو ہے سال بدلتو
 ور نی دیکھیو حال بدلتو
 صرف ہندسو ہی بدلیو دسے
 جگ نی اس گے نال بدلتو
 رات تہاڑی واہی ٹور ہے
 کوئے نی دستو چال بدلتو
 اس جا دیکھیو بس شکاری
 کھربہ دانہ جال بدلتو
 سچی تاں سوچ تبدیلی آتی
 جے کر خیال بدلتو
 سارے پاسے دیکھ نواز
 کوئے نی ات فی الحال بدلتو



حقتواز احمد